



Bosnia and Herzegovina
Federation of Bosnia and Herzegovina
Bosnian - podrinie Canton Gorazde
MINISTRY OF ECONOMY

Broj: UP-1:04-21-921/22
Goražde, 07.11.2022. godine

Na osnovu člana 124. Zakona o vodama („Službene novine Federacije BiH“, broj: 70/06) i članova 21. i 22. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), Ministarstvo za privredu Bosansko-podrinjskog kantona Goražde daje slijedeće:

OBAVJEŠTENJE
o podnesenom zahtjevu za izdavanje Prethodne vodne saglasnosti

JP Autoceste FBiH d.o.o. Mostar podnijelo je zahtjev za izdavanje prethodne vodne saglasnosti za zahvatanje vode i ispuštanje sanitarno-fekalnih otpadnih voda iz kompleksa Centra za kontrolu prometa (COKP), koji se planira graditi na trasi dionice brze ceste Prača – Goražde.

Podaci o podnesenom zahtjevu:

Broj zahtjeva:	UP-1:04-21-921/22 od 26.10. 2022. godine
Podnosilac zahtjeva:	JP Autoceste FBiH d.o.o. Mostar
Lokalitet:	Grad Goražde
Vrsta objekta/aktivnosti	Brza cesta Prača - Goražde

Opis objekta/aktivnosti

Centar za kontrolu prometa (COKP) predstavlja organizacionu cjelinu – kompleks u okviru kojeg će biti smješteni objekti i osoblje zaduženo za kontrolu prometa na planiranom dijelu brze ceste i tunela kao i smještaj profesionalne vatrogasne jedinice sa svim pratećim sadržajima koji im pripadaju (objekat "A"- kontrolni i vatrogasni centar i objekat "B"- garaža za teretna vozila i praonica), na lokaciji u neposrednoj blizini tunela Hranjen.

Vodosnabdijevanje COKP-a za potrebe gašenja požara i potrebe snabdijevanja vodom objekta Upravne zgrade predviđeno je iz rezervoara kapaciteta 72 m³ a punjenje rezervoara vršiče se cisternama, putem hidrostanice iz koje se voda pumpa do vodomjernog okna. Predviđena je pumpa karakteristika Q=10 l/s i Hman=60 m. Vodomjerno okno je projektovano kao betonsko i opskrbljeno sa dva vodomjera i ostalim potrebnim armaturama i fazonskim komadima. Iz okna se granaju dvije vodovodne cijevi: hidrantski vod 1 DN110/96,8 mm, dužine 3,01 m od PE-100 vodovodnih cijevi i sanitarni vod od PE-100 cijevi, DN32/28,2 mm, dužine 38,64 m. Dimenzioniranje hidrantske mreže izvršeno je pod pretpostavkom jednovremenog vanjskog požara u trajanju 120 minuta, Q=10 l/s, dok je dimenzioniranje sanitarne instalacije izvršeno na osnovu ukupne potrošnje svih sanitarnih uređaja u objektu. Priključak sanitarne vode će se izvesti na najbližu javnu vodovodnu mrežu prema propisanim uslovima i dobijenim saglasnostima a ako nema uslova za priključak na lokalni vodovod, putem zahvatanja vode kaptažom ili putem rezervoara i hidrostanice predviđene za protivpožarnu zaštitu, u skladu sa lokalnim mogućnostima a voda za piće će se obezbijediti putem aparata za vodu.

Odvodnja sanitarno-fekalne otpadne vode iz objekata na platou COKP-a je projektovana kolektorima fekalne kanalizacije. Otpadna voda iz unutrašnjih instalacija se prihvata u reviziona okna prečnika Ø1000 mm i dalje vodi do uređaja za biološki tretman otpadne vode – SBR uređaj, kapaciteta 20 ES. Nakon tretmana, prečišćena voda se odvodi cjevovodom prečišćene vode. Prečišćena fekalna i čista oborinska kanalizacija se spajaju u zajedničko reviziono okno RO1, nakon kojeg se cjevovodom DN 300 mm vode do ispusta koji je planiran u regulisani Podhranjski potok.

NAPOMENA: Investitor je uz zahtjev priložio tehničku dokumentaciju: Knjiga G1300 Glavni projekat vodosnabdijevanja i hidrantske mreže COKP-a, Knjiga H1200 Glavni projekat vodovoda, kanalizacije sa odvodnjom COKP-a Goražde, Knjiga H1010 Arhitektonski projekt COKP-a, urađene od strane "Ipsa Institut" d.o.o. Sarajevo i Design QC d.o.o. Sarajevo, decembra 2021. godine, koje zainteresovana lica mogu dobiti na uvid u Ministarstvu za privredu Bosansko-podrinjskog kantona Goražde.

Pozivaju se sva zainteresovana pravna i fizička lica da putem pismenog izjašnjenja dostave svoje eventualne primjedbe, prijedloge i sugestije po ovom zahtjevu, u roku od 15 (petnaest) dana od dana objave ove obavijesti na službenoj web stranici Vlade BPK-a Goražde i Grada Goražde i oglasnim pločama Ministarstva za privredu BPK-a Goražde, Grada Goražda i MZ Osječani, na adresu:

Ministarstvo za privredu Bosansko-podrinjskog kantona Goražde

Ulica M. Tita broj 13
73 000 Goražde



MINISTAR
Haris Salković